

二虎斃於林下請訪三皇內文試為行之公
素有洞神經彙範書數字按法用新盆關於
灰上置符及香於盆底之上依而用馬是夕
有老狸毛已充落死於盆下其醜遂絕

張乾曜天蓬呪驗

成都至真觀道士張乾曜精奉香火虔誠齋
法首冠於衆人節度使燧煌李公有男無疾
暴卒舉體猶暖倉惶之際不知所為召醫巫
禁術者數十人皆不知救理之法良久請乾
曜到告以食卒之事乾曜素無他術止於精
奉經科而已情理既切因請鈔水為救水噴
灑了焚香念天蓬呪一百餘遍卒者忽能運
動良久乃蘇問其所見云有黃衣使四人擁
一駿馬令其試騎上馬之後使被將去前路
昏曠如在煙霧之中遙巡見張尊師緋絹抹
額手執利劍領黑衣兵士數千人結陣而來
其行更速使人馬尋已不見其墮在地下因
悶多時尊師童子扶昇方得歸耳李公令此
郎君依乾曜入道冠褐數年到京除官方還
儒服施錢三百千絹五百匹以答乾曜焉

趙業授正一八階錄驗

趙業定州人開成中為晉安縣令因疾暴卒
手足柔輾心上微暖三日乃蘇云初為冥官
所追牽拽甚急問其所以但云為欠債抵諱
事自思身心無此罪犯必恐誤追行三五十

里過一山嶺嶺上有宮闕崇麗人物甚多有
一青衣童子前來問云汝非道士趙太玄乎
某答云晉安縣令趙業耳童子笑曰豈得便
忘却耶又一童子續來太一令喚趙太玄追
事人一時散去即與童子到宮闕中不見太
一但見一道流云汝六歲時為有疾受正一
八階法錄名為太玄豈得沉於俗官併忘此
事耶太一有命便令放還却須佩錄修真行
功及物居官理務勿貪積貨財輕人性命言
訖不見所疾已蘇遂於思衣山恭受法錄累
置壇場廣崇功德復以法名太玄矣

道教靈驗記卷之十一

道教靈驗記卷之十二

廣成先生杜光庭集

經法符錄靈驗

僧法成改經驗

僧法成姓陳不知何許人立性拘執束於奉
教而矯飾多端因遊廬山至簡寂觀不遇道
流而堂殿經廚素不關鑰遂取道經看之將
三四十卷往靈溪觀棲止詎云某在僧中本
意好道欲於此駐泊轉讀道經兼欲長髮入
道人皆善其所言又取觀中經百餘卷日多
披覽每三五日一度下山教化糧食人聞其
所說施與甚多糧鹽所須計月不闕乃故換
道經題目立佛經名字改天尊為佛言真人
為菩薩羅漢對答詞理亦多換易塗抹剪破
計一百六十餘卷忽山下有人請齋兼欲求
勾紙筆借觀奴一人同去行三二里見軍吏
隊仗訶道甚嚴謂是刺史遊山法成與奴下
道於林中迴避良久見旗幟駐限有大官立
馬於道中促喚地界令捉僧法成來法成與
奴聞之未暇奔竄力士數人就林中擒去奴

隨看之官人責曰大道經教聖人之言關汝何事輒敢改易使痛杖一百令其依舊修寫填納觀中填了報來列有處分即於道中杖杖百下仆於地上瘡血遍身隊仗尋亦不見奴走報觀中差人看驗微有喘息而已扶昇入山數日方校遂出所改抹經本呈眾道流法成本有木鉢寄在江州寺中取來貨賣更來乞紙筆經年修寫經足送還本觀燒香魁謝欲願入道道流以其無賴無人許之是夜叫呼數聲如被毆擊耳鼻血流而死矣。

僧行端改五廚經驗

僧行端性頗狂謔因看道門五廚經只有五首呪偈遂改添題目云佛說三停廚經以五呪為五如來所說經末復加轉讀功效之詞增加文句不啻一紙五廚經屬太清部玄宗朝諫議大夫肅明觀主尹情注云蓋五神之秘言五藏之真氣持之百遍則五氣自和可以不食其經第一呪云一氣和太和得一道皆泰和乃無不和玄理同玄際開元中天師趙仙甫為疏皆以習氣和神為指行端旁附

此說即云讀誦百二十遍可以呪水飲之令之不食名為三停廚經詞理鄙淺與尹趙注疏殊不相近改經既了已寫五六本傳於他人於路下寫經之際忽有神人長八九尺杖劍而來謂之曰太上真經歷代所實何得輕肆庸愚輒為改易查劔斬之以手拒劍傷落數指同居僧二人共見其事驚為哀乞神人曰如此無良也解惜命促令追收寫換然後奏聽教旨行端與同居僧散尋所行之本只得一半餘本已被僧將出關別寫元本經十

本燒香懺謝所改添本香上焚之神人復見曰嘗毀聖文追收不獲不宜免死遣巡頓仆而卒其所改經至今往往傳行諸處覽觀其義自殊可曉焉。

杜簡州九幽拔罪經驗

京兆杜武為成都右職清正公直眾所推仰固有微恙請告教日其家私召巫者看之巫者曰有一人少年偏身有血云是杜公之弟不得其終死於他所無人祭祀常有所恨故令職位不遷所為多滯爾家人以此事白之

武知其非謀曰我弟出外多年不知存歿尋常祭饗未欲與其列位恐其在耳今既知之所說形狀年幾第行小字果不虛矣為其悲愴久之復令巫者問之有何所要答云歲月已多不要更依俗中之禮但請一道流轉金錄妙戒九幽拔罪經九遍作符焚之即有所詣不復來矣我去之後訟責既無凡當立還劇職作兩任刺史於是召得道士古嵩華求此經置道場轉讀百二十卷設齋表祝焚衣服錢帛既畢巫者為達感謝而去月餘武遷

府城使尋授簡州刺史秩滿復載領簡州古師因為寫百餘本九幽經行於未道之家勸其持奉矣。

曹嘉道德經不焚驗

曹嘉者汾州西河縣人也家富而好善佛堂中像設圖書經教甚多因見道德經亦寫兩卷於佛經一處收貯曾讀一兩遍未甚會其義理其隣家失火延燒嘉家佛堂功德尋為煨燼忽聞火中如風雷之聲火焰爆散道德經兩卷飛在門外林上尋繹首尾並無損汚

之處但覺香氣異常隣里百餘家咸被焚燒其家只燒門舍佛堂而已火亦自滅金帛資財一無損失自是親戚皆來歸心奉道其不燃之經表進入京持節西河郡太守陸深表奏聞天寶四載八月十二日敕褒編付史館

崔公輔仙都經驗

崔公輔明經及第歷官至雅州刺史至官一年忽覺精神恍惚多悲恚猶急往往忽忘舉家異之一旦無疾而終心上猶暖三日載蘇亦即平復謂其寮佐曰昨為冥使齋帖見追隨行三五十里甚為困憊至城關入門數重追者引到曹署之門立於屏外遂巡有官人著緋執版至屏迎之先拜公輔驚曰甚為帖所迫乃罪人也官人見迎致拜深所不安官人曰使君固應忘之矣其是華陰縣押司錄事巨簡使君初官曾獲服事庭廡近奉天符得鄧都縣地司所奏使君任鄧都縣令之日於仙都觀中取真人陰君寶經四卷至今不還天符令追生魂勸責使君一魂日久在此對會恐使君不知故欲面見具此諾述以報

往日之恩耳使君頗覺近日忿怒悲愁精神遺忘否此是生魂被執繫故也於是引至廳中良久言曰此有茶飯不可與使君食食之不得復歸人間矣但修一狀請置黃錄道場懺請所犯兼請送經却歸本山即生魂釋放矣因令本司檢使君年祿遠近遠巡有吏執

案云崔公輔自此猶有三任刺史二十三年壽言訖公輔留手狀官人差吏送還乃於成都及雅州紫極宮忠州仙都山三處修黃錄齋送經還本觀公輔平復如常其後歷官年壽皆如所說此事是開成年中任雅州刺史

曹魏天蓬呪驗

曹魏者字載之泗州人也廣明乾符間在京師少而神氣怯懦多驚魔往往不蘇常遇蘇門道士劉大觀授以天蓬神呪今持誦千遍載之勤而行焉絕葷腥專香火逆旅之中亦拳拳修尚自是無復驚悸矣寇陷長安在宣陽里為寇所虜力役勞苦之事素非其所能稍或違舒必承之以劍性命憂迫在手頃刻而密誦神呪以求其祐是有一人如軍士

之飾謂之曰勞役之事吾為子免之此有徑路可以脫禍可相隨而行也載之疑為寇所試辭焉此人引其手若騰躍於空中良久履地是夕月光如晝但見山川參差泉聲流激已在巨石之上驚異之際有村童前引入洞

府中宮闈深嚴層城煥麗金樓玉堂奇禽珍木周還數十里有謁者平冠褒袖云天帝君令於有宇憇息俄賜酒饌仙果二仙官與之宴飽載之問天帝所主何國其未嘗朝拜忽奉恩救深所憂懼仙官曰天帝是北斗之中紫微上宮玄卿天帝君也上理斗極下統鄧都陰境帝君乃天帝之所部天蓬上將即天帝之元帥也吾子冥心北元尊奉神呪而值此危難將陷鋒鏑天帝聞籍當在驅除之位仰軫聖慮已奏章太上述勤瘁之心延壽三紀使還於故里爾頃之得朝謁天帝叩顙謝恩於闕下命二童送之食頃已達泗州其友人謝良奏事行朝具話其事載之今猶在江表是則天帝之昭鑒天蓬之威神不遺毫分之善也

鄧老枕中經驗

鄧老者遂州長江人也有田數千畝古觀一所在其田中中和後連屬千丈人戶凋耗田畝荒棘生計日貧而家多疾苦一日偶至觀中久無人居經籍委於地上鄧收卷經書之間有一老人非常時所見謂鄧曰經中有一小卷乃老君枕中經也勤能持之解災致福力不可量語訖去老人所在鄧取枕中經以歸旦夕持誦不輟於口追數千遍三四年間其家無復疾苦衣食充給兵戈之際骨肉皆安無驚奔支離之事鄉里咸異之成都康恭嘗過其家鄧話經之靈驗亦傳受誦念一家數口盡令持之鄧城重圍素無儲蓄而衣食不闕骨肉安全果免其難矣

張正元大梵隱語驗

張正元京兆人也詣尹嗣玄講下受大梵隱語旦夕課持不食葷血大寇犯關於渭南道中為寇驅虜是時殺方甚死者盈路逃避無所憂懼萬端驅行之際忽有甲馬數騎與賊軍一般遮虜將出送於大槐樹下曰只於

此坐不用驚怕正元坐良久悄然無復軍行之狀恐日晚無所之詣潛起而行已在其家莊中庭槐之下矣骨肉皆在一無離散居數日晏然無雲因結侶過山於金州居止後至成都行朝明道大師述此微異傾心修道勤奉真經一家咸令誠念

陳太清度人經驗

陳太清者天台觀道士也年五十餘捨家入道持度人經晝夜不倦雖行坐執役未嘗輟於口焉太清素樸悍兇狡肆惡之及其入道已後尤尚落持經十餘年白髮戴黑齒落更生筋力強盛步驟輕疾雖少壯者與知登山追不能及也

甘政神呪經驗

甘政綿竹人也受法錄勤香火凡所修奉多有靈應高相之鎮成都未至間蠻家侵逼境內屯軍北軍六七百人在縣北寺中安下併有疫癘死亡甚多臥者相枕藉主帥憂危莫知所救政曰即請道流一人為轉神呪經自備香火無所勞費因與道流人持香案詣殿

上轉神呪經十卷以柳枝水梳歷詣營壘中徧以水灑之一日之內二百餘人痊復如故自此士眾安全無復疾苦燕公奇之召至成都錫以金帛讓而不受唯取道衣一襲茗香數兩而已

張融法錄驗

隨州道士張融常修寫符錄取其善價而圖畫之時繕寫之際或委於牀榻之上或致於杯盤之間逼近葷腥混雜眠睡畧無恭敬之心同道有戒勸之者即以他詞對之亦甚不遜所獲益厚而家益貧妻子伶俜終年疾苦二十餘年而抱疾沉痾每午後自牀上投身於地踴高數尺而落披撲之時喘息不續悶絕痛楚號叫移時夜半復如此晝夜兩度近逾半年骨肉碎痛瘡痍相續膿血淋漓異常臭穢飲食不得或強食少許即心腹絞痛如有割刺天台道士陸含真聞郡人所說即詣其家謂之曰三洞法錄上天寶文從來不曾護持多恣輕犯此是考責之事必須洗心悔過懺謝犯觸之愆縱生不蒙恩亦死免考掠

如此痛毒何可忍之融聞其言而淚悲感抗
聲發願乞衛法靈官真經將吏捨其往罪許
以自新載得性命不敢輕於經錄言訖號咽
叩告聲聞于外頃之心安而寐夢金甲神王
三百餘人在空虛之內森然而立使人告之

曰汝以輕儀靈官侮賤真法更合考責二年
既能知過識非且為原放盡汝八年餘命不
得輒是貨竊法錄載犯此罪永沉幽獄自是
考責亦停疾痛漸愈半月間平復如故具以
此事書榜於壁廣勸同人矣

姚生黃庭經驗

姚主者華原人也幼而好道持黃庭經光啓
中傳宗載幸陳倉遠近驚擾姚為賊所迫夜
走墮枯井中傷足求未得乃旁有窰穴匿
於其中晝夜念經因不飢渴足疾亦愈時襄
王既平寇大駕歸關鄉里人戶稍復有遊軍
夜宿井側見井中有光極而出之具述經靈
驗遂為道士居華原西界觀中焉

道教靈驗記卷之十二

道教靈驗記卷之十三

廣成先生杜元庭集

鐘磬法物靈驗

青田縣清溪觀鐘磬

處州青田縣清溪觀古有銅鐘因袁晁亂後

失其所在有墨書青田字人或記為其後溫
州烏嶼山下水中舟人時聞鐘聲幽咽不遠
一旦有人忽見水中一物如半鐘之形側露
水上蓋槩視之既近即覆矣露其一半認其
模範之跡滿半之形乃鐘也以物觸之沉於

水中矣與人語其異好事者乘舟看之天氣
晴霽亦時一見州寺僧結綵舫具糖花致齋
迎之或經宿水上道場禮懺而請或得見之
尋又沉去道門亦備蒲花舟舫香火迎之見
而不得清溪道士時亦在迎鐘象中稽首祝

之曰此州觀寺皆有鐘唯清溪觀無鐘多
年極是觸事遠地不辨香花單心而已鐘若
有靈弱汧流自往某旬日即歸於觀前溪中
奉候眾聞其說皆笑之十餘日道士歸青田
鐘已在觀前潭中矣焚香迎之汎汎就岸重

千餘斤數人挽棧懸挂若百許斤耳自後時
亦飛去旬月却迴今以大鎖鎖之不復去矣
其上墨書青田字久在水中宛然不減并邑
老人詳認其字乃觀中舊鐘也

宗玄觀鐘磬

青城山宗玄觀古跡銅鐘三千餘斤隱花文
飛仙幢節之狀工甚精好劉闢樛成都取管
內銅像大鐘鑄兵器及錢此鐘差縣人挽拽
下山磨其上隱起花文欲盡頻以巨石捶擊
終不能損拽至江干將入竹筏力敵萬斤竟

亦不動縣狀中闢闢異之今送山中三十
人牽送上山纔若一二百斤爾既復懸榭時
或擊之立致雷雨至今見在

太平觀鐘磬

溫江縣太平觀有任尊師者於市中每日戶
乞一錢鑄鐘萬斤數年鐘成尊師年已八十
餘矣作大齋表讚扣鐘數百下辭訣而去即
大曆年中也其後劉潼僕射權旆西川觀寺
鐘上皆鐫刻陀羅尼咒至是任尊師復歸領
巧工於咒邊刻云觀家銅鐘不合要刻佛咒